



UNIVERSITETI "ALEKSANDËR MOISIU" Durrës
BORDI I ADMINISTRIMIT

Nr. 1382 Prot.

Durrës më, 8/8 / 2024

V E N D I M

Nr 41, datë 8.8 2024

"PËR MIRATIMIN E TARIFËS SË STUDIMIT, PËR PROGRAMET E CIKLIT TË PARË TË STUDIMEVE NË UNIVERSITETIN "ALEKSANDËR MOISIU" Durrës PËR VITIN AKADEMIK 2024-2025"

Në mbështetje të ligjit nr. 80/2015, datë 22.07.2015 "Për Arsimin e Lartë dhe Kërkimin shkencor në Institucionet e Arsimit të Lartë në Republikën e Shqipërisë", Neni 3 "Liria akademike dhe autonomia e institucioneve të arsimit të lartë", pika 3/ç ku citohet se: "Autonomia financiare garantohej nëpërmjet së drejtës për të përcaktuar tarifat e studimit, në përputhje me këtë ligj", Vendimit të Këshillit të Ministrave nr. 288, datë 21.05.2018 "Për miratimin e kufirit maksimal të tarifës vjetore të shkollimit për studentët që ndjekin studimet në institucionet publike të arsimit të lartë, në një program të ciklit të parë të studimeve, në një program të integruar të studimeve ose në një program të studimeve profesionale me kohë të plotë", të ndryshuar, Statutit të Universitetit "Aleksandër Moisiu", Durrës, Vendimet respektive të Bordit të Administrimit për miratimin e tarifave të studimit, vendimit të Senatit Akademik nr.46, datë 30.07.2024, Bordi i Administrimit,

V E N D O S I:

1. Tarifa vjetore e shkollimit, për studentët të cilët regjistrohen në vitin akademik 2024 - 2025, në një program të ciklit të parë të studimeve, pranë Universitetit "Aleksandër Moisiu" Durrës do të jetë, sipas tabelës nr. 1, që i bashkëlidhet këtij vendimi.
2. Tarifa vjetore e shkollimit, për studentët që regjistrohen për herë të parë, në vitin e parë në një program studimi të ciklit të parë të studimeve, në një program të integruar të studimeve ose në një program të studimeve profesionale, me kohë të plotë, për vitin akademik 2024 - 2025, paguhet nga studentët në masën 50% të vlerave të pasqyruara në tabelën nr. 1, që i bashkëlidhet këtij vendimi dhe është pjesë përbërëse e tij.
3. Studentët, të cilët studiojnë brenda kohës normale të studimit dhe nga viti akademik pararendës, rezultojnë me notë mesatare 6 - 8.99 dhe që kanë shlyer të gjitha detyrimet akademike, për vitin akademik 2024 - 2025, do të paguajnë 50 % të tarifës vjetore të shkollimit, të pasqyruar në tabelën nr. 1, që i bashkëlidhet këtij vendimi.
4. Studentët, të studiojnë brenda kohës normale të studimit dhe nga viti akademik pararendës, rezultojnë me notë mesatare nën 6 (gjashtë) (4 -5.99), për vitin akademik 2024 - 2025, do të paguajnë tarifën e plotë vjetore të shkollimit, të pasqyruar në tabelën nr. 1, që i bashkëlidhet këtij vendimi.
5. Tarifa e regjistrimit të kandidatëve fitues të cilët do të regjistrohen për herë të parë në një program të parë studimi të ciklit të parë, do të jetë 1 600 (një mijë e gjashtëqind) lekë.
6. Tarifa e regjistrimit të kandidatëve fitues të cilët do të regjistrohen për herë të parë në një program të dytë studimi të ciklit të parë do të jetë 3 000 (tre mijë) lekë.

7. Tarifa e aplikimit për studentë të cilët do të aplikojnë për të transferuar studimet në një program të parë të ciklit të parë nga një universitet tjetër në Universitetin "Aleksandër Moisiu", Durrës do të jetë 3 000 (tre mijë) lekë
8. Tarifa e aplikimit për studentët të cilët do të aplikojnë për të transferuar studimet në një program të dytë të ciklit të parë nga një universitet tjetër në Universitetin "Aleksandër Moisiu", Durrës do të jetë 5 000 (pesë mijë) lekë.
9. Studentët i nënshtrohen vetëm një tarife vjetore shkollimi, atë të vitit akademik përkatës. Studenti i cilësuar në bazë të rregullores së UAMD-së, si student përsëritës, i nënshtrohet tarifës vjetore të shkollimit të vitit akademik në të cilin ai frekuenton studimet.
10. Studentët, që transferojnë studimet nga një program studimi të ciklit të parë në një program tjetër studimi të ciklit të parë në Universitetin "Aleksandër Moisiu", Durrës, i nënshtrohen tarifës vjetore të shkollimit të programit të studimit përkatës, në të cilin transferohen dhe ndjekin studimet.
11. Tarifa e shkollimit për kandidatët, që kanë përfunduar me sukses një program studimi dhe përfitojnë të drejtën të ndjekin një program të dytë studimi, do të jetë sipas tabëlës nr. 1 bashkëlidhur këtij vendimi., me përjashtim të studentëve të shkëlqyer.
12. Shtetasit e huaj të cilët do të vazhdojnë studimet pranë Universitetit "Aleksandër Moisiu", Durrës në një program të parë ose të dytë studimi, i nënshtrohen së njëjtës tarifë shkollimi si shtetasit shqiptarë të cilët vijojnë studimet në programet respektive, me përjashtim rasteve kur, me marrëveshje zyrtare janë vendosur mënyra të tjera të përcaktimit të tarifave vjetore të shkollimit për këta studentë.
13. Kategoritë e studentëve të cilët vijonë studimet në një program të parë të ciklit të parë dhe do të përjashtohen nga tarifa do të jenë sipas përcaktimeve të Vendimit të Këshillit të Ministrave nr. 40, datë 23.01.2019, i ndryshuar.
14. Ky vendim hyn në fuqi menjëherë.

KRYETAR I BORDIT TË ADMINISTRIMIT
Ada ALIAJ

